



Seizhah Ciengz Fwn He

夏季里的一场雨

Mbouj miz saek di rumz, mbouj miz saek benq fwj, daengngoenz couh lumj aen lozfeiz hung he, seizbienh cik aen daihdeih. Hoengheiq lumjbaenz gietndangj lo, oemq dwk hawj vunz diemheiq mbouj ndaej. Duzma daengx ndang boemz youq gwnz dieg, gaiqlinx iet ndaej raezrangh. Godoengcing, gofaex bakdou cungj reuqduix lo. Gyoengq roeg bingzseiz gyaec ciengq-go haenx, ndoj bae gizlawz ngauez cungj mbouj raen, cijmiz duzbid youq gwnz gyefaex hemq mbouj dingz.

Banningz, mbwn lij dwg ndatfwd-fwd. Mumjgyumq dingqnyl byajraez youq bien mbwn yiengj “gunggung”. Aenda yawj bae, gwnzmbwn baihsae nyoenx hwnj daih benq fwjndaem dahraix. Fwjndaem gig vaiq sanqbanh, gvaq yaep he, couh bu doh daihbuenq mbwn. Aenmbwn laepcupcup, cijmiz baihdoeng lij louz miz diuz sienq rongh he. Raeb fwjndaem, byajmig seiz mbouj seiz mignyg, “gung-lunglung——” sing byajraez engq hung lo. Fwjndaem at roengzdaeuj, sawqmwh, mbwn cungj laep lo, lumj haeuj gyanghwnz nei. Raq rumzhaenq he daj gwnz dieg bongj hwnj, gienj hwnj nanhsa, mbawfaex, duzbid mbouj hemq lo, gij vunz haxbaenh okdaeuj yawj nauhyied haenx, seizneix

cungj deng rumz bongj haeuj ranz bae, gwnz gai mbouj miz saek boux vunz.

“Migmyag”, raq byajmig rongh-myan he veh gvaq byonghmbwn, gij sienq rongh de yak lumj nyaujfangz nei, byajraez couh youq gwnz gyaec yiengh “gunggung”, lumj yaek dawz dingjranz biengj bae nei. Simndum mbeimanh caengz dingh roengzdaeuj, “va——” fwnhung dauqdaeij raix roengzdaeuj lo, ndaw byajmig byaj-raez, fwnhung ronghlik raix roengz gwnz dieg, sawqmwh goenj hwnj raq heiq namh he. Fwnraq cunghuhu, lumj duzmax duet caggieng bae nei, biufafa, cungfodfod. “Bibi baba”, fwn hoenx dingjranz, sinz hwnj fouzsoq gyaecinaq, raemx dingjranz laefofo, lumj raemxdiuqdat nei. Raemx gwnz

dieg gaenq comz baenz dah. Rumz geujlulu, yiengjfitift, swng hwnj baenz raq baenz raq mokaemx. Godoengcing bidoengh aenhwet de, youq ndaw mokaemx riu lo, ndaw diendeih, venj hwnj mbaw muengxaemx hunglot he, caen dwg aen seiqgyaiq raemx ronghsag he.

Sing byajraez bae gyaec lo, daengngoenz youq geh fwj seiz haeuj seiz ok, fwn dingz lo, rumz iq cififi, hoengheiq gig singisien. Gyoengqvunz ok ranz daeuj, vunzhung ganggangj riuriu, lwgnyez loengh raemx guh-caemz. Mbawfaex doengcing heu-yauyau, duzroeg youq gwnz faex ciengqgo, duzbid youh hainduj angqvauvau hemq “nyetnyet” lo.

(haj nienzgaep Lij Muyenh)

Ndaw Ndoengfaex Ceng Vuengz Doxdax

森林争霸赛

Saeceij daihvuengz bingh hwnq mbouj ndaej lo. De siengj: Dwg daengz seiz ra boux doenghduz coengmingz daeuj ciepswnj vuengzvih vuengz-guek doenghduz lo.

Yienghneix, saevuengz roengzlingh gawj-banh ciengz ndaw ndoengfaex ceng vuengz doxdax he. Vuengzguk doenghduz goenjhuu lo, daihgya cungj doxcanj bauqmingz camgya doxdax. Doxdax geij lwnz le, nyaenma caeuj duzlingz ndaej haeuj gietsaiq.

“Cingj dingq daez!” Duzciengh caizbuenq hainduj ok daez lo, “Gyaq hujci he miz 20 aen siengci, moix aen raez 23 mij, moix miux buet ndaej 15 mij. Mwh hujci doeng gvaq aen giuzhung he yungh 75 miux cung, aen giuzhung neix miz geijlai raez?”

Nyaenma sikhaek ciengj dap: “Aen giuzhung neix raez $75 \times 15 = 1125$ (mij). Diuz daez neix daiq yungzheih luba!”

Daihgya cingq yaek bekwngz, duzlingz cix sing hung naeuz: “Mbouj deng, mbouj dwg 1125 mij! Giuzhung cij miz 665 mij. Aenvih hujci daengx aen ndang cienzbouh gvaq aengiuz cij suenq doeng gvaq, ndigah lij yaek gemj ndang raez gyaq hujci cij suenq ndaej ok aengiuz miz geijlai raez. Hujci raez $23 \times 20 = 460$, giuzhung raez $1125 - 460 = 665$ (mij).”

Gyoengq doenghduz fwt rox lo, daihgya bekwngz goksasa.

Couh yienghneix, duzlingz baenz boux-ciepswnj vuengzvih vuengzguk doenghduz lo.

(seiq nienzgaep Sinh Cwzyij)

Saw Dwg Lauxsae Ndei Baengzyoux Ndei

书是良师益友



Gou dwg boux vunz launyaenq he. Youq ndaw hagdangz, gou cungj dwg boux dog gag dinghdingh naengh youq gungxgok. Yawj gyoengq doengzhag youq henz guhcaemz, gou gig siengj caeuj gyoengqde guhcaemz. Hoeng, gou lau-nyaenq, mbouj gamj ok sing, mbouj gamj caeuj gyoengqde gangj vah.

Miz ngoenz ndeu, daxmeh doiq gou naeuz: “Siu ha, mwngz

yaek miz boux baengzyoux he cij ndaej.” Gvaq geij ngoenz le, daxmeh daj baihrog daiq ma aen gyaqsaw he. Laeb laeb daebdaeb, gwnz gyaqsaw miz le haujlai saw ndei yawj. Gou ciengzciengz youq baihnaj gyaqsaw moenghmangh. 《Lwg-duh Henz Cueng》、《Aenmuengx Hahloz》…… baenz bonj baenz bonj saw raeujrub baij youq baihnaj gou, yungz haeuj ndawsim gou. Sawqmwh, gou roxnyinh lumj miz geu ndit he ciuq youq ndawsim gou, sawj gou ronghsag, sawj gou sim-hai…… gou rox lo, gou yaek bae umjdawz cingzgeih cij ndaej.

Miz ngoenz he, gou sing iq laulili doiq boux doengzhag he

naeuz: “Du Veicinh, mwngz singhizroek miz seizgan lwi?”


“Miz ha!”

“Yienghneix mwngz bae ranz gou guhcaemz ba!” Gou angq dwk naeuz.

“Ndei ha!” Du Veicinh hix angq dwk naeuz.

Daj ngoenz haenx hwnj, gou hainduj cawjdoengh caeuj vunz gangj vah caeuj vunz guhcaemz lo. Gou rox, cijaeu swheij hailangh, gag miz saenqsim, doxndei, itdingh gyau daengz haujlai baengzyoux ndei. Saw couh lumj boux lauxsae ndei baengzyoux ndei ndeu, son gou hagsib, son gou gwndaenj, son gou guh vunz.

(seiq nienzgaep Cinz Nenzsiu)



Daxbuz Gyaec Gou Haenx

爱我的奶奶

Daxbuz gou gaenq caet cib caet bi lo. Caenhguenj ndwenngoenz mbouj louzcingz youq gwnz najbyak caeuj gokda de gaek roengz nyaeuq laeglwd, hoeng daxbuz gou lij gig cingsaenz.

Gou dwg lan ceiq iq daxbuz. Aenvih daxboh daxmeh guhhong nyaengq lai, mwh gou caengz hwnj hag gaxgonq, gou itcig caeuj daxbuz doxcae gwndaenj. Daxbuz ceiq gyaec gou, mwh de yawj gou, bwnda, lwgda, gokbak cungj dwg vangungj……

Daxbuz daegbied cungh gou. Ranz daxbuz miz aen gulij hung miz fa he, baihdaw coux miz bingj dangz daengj gak cungj saejdaeuz. Daxbuz swheij mboujdan mbouj gwn, lij lumj lau bouxwnq raen nei, goemq ndaet fagu, cienzbouh louz hawj gou gwn.

Duenh seizgan caeuj daxbuz gwndaenj haenx, vihliux hawj gou gwn ndei, daxbuz cungj mbouj lau dwgrengz cawj gak cungj haeuxbyaek hawj gou gwn, miz seiz ngoenz ndeu cawj haj roek baez. Geiq ndaej miz baez ndeu, daxbuz gaenq cawj haeux ndei lo, hoeng dingqnyl gou naeuz siengj gwn mienh, couh cuengq vanjhaeux roengz, bae cawj mienh hawj gou gwn.

Neix couh dwg daxbuz gyaec gou haenx, gou caensim maqmuengh de ndangcangq gyaecuanz, ciengxlwenx buenx gou.

(seiq nienzgaep Ciz Hungzui)